



DEPUTACIÓN PROVINCIAL
A CORUÑA

SERVIZO: ACCIÓN SOCIAL, CULTURAL E DEPORTES
SECCIÓN DE CULTURA E DEPORTES

EXTRACTO DA RESOLUCIÓN DA PRESIDENCIA NÚMERO 2019/2839 DE DATA 28.01.2018, QUE APROBA A CONVOCATORIA DO “VII CIRCUÍTO PROVINCIAL DE CARREIRAS POPULARES DEPUTACION DA CORUÑA”

Don VALENTIN GONZALEZ FORMOSO , Presidente da Deputación Provincial da Coruña,

RESOLVEU:

1º.- Aprobar a convocatoria do *VII CIRCUÍTO PROVINCIAL DE CARREIRAS POPULARES DEPUTACION DA CORUÑA*, que estará integrado por 30 carreiras populares que se van celebrar entre o 27 de abril e o 31 de decembro de 2019, (ambos inclusive) na provincia da Coruña, e que se desenvolverá de acordo coas seguintes:

BASES

1. PARTICIPANTES.

Poderán participar no “*VII Circuito Provincial de Carreiras Populares Deputación Provincial da Coruña*”, todas as persoas interesadas, integradas nas seguintes categorías:

	CATEGORÍA	IDADE
MENORES	Sub10	Nados/as en 2010-2011
	Sub12	Nados/as en 2008-2009
	Sub14	Nados/as en 2006-2007
	Sub16	Nados/as en 2004-2005
	Sub18	Nados/as en 2002-2003
ABSOLUTA	Sub20	Nados/as en 2000-2001
	Sub23	Nados/as en 1997-1998-1999
	Senior	Nados/as en 1996 ata 1985
	Máster 1	Nados/as en 1984 ata 1979
	Máster 2	Nados/as en 1978 ata 1970
	Máster 3	Nados/as en 1969 ata 1960
	Máster 4	Nados/as a partir do ano 1959

Todos os participantes no circuito, polo mero feito de realizar a inscrición nalgunha carreira popular que o integra, aceptan todas e cada unha das presentes regras e no caso de dúbida, sempre prevalecerá o criterio da Organización do “*VII Circuito Provincial de Carreiras Populares Deputación Provincial da Coruña*”

As inscricións en cada unha das carreiras populares poderase efectuar a través do sistema en liña na páxina web da FGA www.carreirasgalegas.com salvo no caso de que a organización respectiva desexe habilitar outro sistema.

A listaxe de inscritos será publicado na web da FGA e actualizada diariamente.

2. INSCRIPCIÓN DOS CONCELLOS E SELECCIÓN DAS CARREIRAS.

Logo da aprobación das presentes bases os concellos interesados en participar no “VII Circuito Provincial de Carreiras Populares Deputación Provincial da Coruña” presentarán a súa solicitude de participación no Rexistro Xeral da Deputación, dentro do prazo indicado polo Gabinete de Deportes da Deputación Provincial da Coruña

Os concellos interesados só poderán solicitar unha única carreira popular, que terá que axustar o seu desenvolvemento ás bases aprobadas pola Deputación Provincial da Coruña.

A Deputación Provincial da Coruña, mediante Resolución da Presidencia aprobará a relación das 30 carreiras que integran o “VII Circuito Provincial de Carreiras Populares Deputación Provincial da Coruña”, así como a relación do resto das carreiras que optaron a participar no “VII Circuito Provincial de Carreiras Populares Deputación Provincial da Coruña” e que quedarán como suplentes, para o caso de que se produzan baixas, logo da puntuación obtida en función da aplicación dos baremos establecidos para a selección das carreiras populares,

Os criterios de selección das carreiras que formarán parte do circuito, son os que se sinalan deseguido:

1. Antigüidade da carreira no calendario da Federación Galega de Atletismo (1 punto por ano de antigüidade).
2. Número de participantes (na carreira do ano 2017 e do ano 2018) en tres grupos diferenciados:
 - De categoría sub20 a máster. Outórganse 0,2 puntos por corredor/a
 - Sub14, sub16 e sub18. Outórganse 0,15 puntos por corredor/a
 - Sub12 e sub10. Outórganse 0,10 puntos por corredor/a
3. Homologación do circuito (10 puntos por carreira incluída no calendario nacional).
4. Carreira con cronometraxe de chips (10 puntos por carreira con cronometraxe de chips).
5. Poderán terse en conta criterios de localización xeográfica e calendario de realización das carreiras, ata un máximo de 10 puntos.

A carreira popular que incumpra as bases aprobadas pola Deputación provincial, despois do informe da Federación Galega de Atletismo e a conformidade da Deputación Provincial da Coruña, será, excluída do circuito provincial de carreiras populares, mediante resolución da presidencia

Esta exclusión implica a inhabilitación do concello a participar durante dous anos no circuito provincial de carreiras populares, caso de ser convocado pola Deputación provincial.

De producirse baixa dalgunha carreira das que integran o “VII Circuito Provincial de Carreiras Populares Deputación Provincial da Coruña”, entrará a formar parte deste a seguinte carreira (das da listaxe de suplentes) sempre e cando fora posíbel pola data da súa celebración.

A inclusión dunha nova carreira, farase mediante resolución da presidencia.

A Deputación Provincial da Coruña, despois de petición razoada e autorización da Federación Galega de Atletismo, poderá, mediante resolución da presidencia, autorizar o cambio na data da celebración da carreira, integrante no presente circuito.

3. DESENVOLVEMENTO E NORMATIVA DAS COMPETICIÓNS.

En todas as probas desenvolveranse carreiras para todas as categorías: desde as inferiores ata as veteranas.

O “VII Circuito Provincial de Carreiras Populares Deputación Provincial da Coruña” estará controlado tecnicamente pola Federación Galega de Atletismo, a través das súas delegacións na Coruña, Santiago de Compostela e Ferrol, así como polo Departamento de Estatística da Federación Galega de Atletismo.

As carreiras populares que formen parte do “VII Circuito Provincial de Carreiras Populares Deputación Provincial da Coruña”, deberán estar incluídas no calendario de probas da Federación Galega de Atletismo, e deberán facer constar na súa carteleira o logo específico alusivo ao “VII Circuito Provincial de Carreiras Populares Deputación Provincial da Coruña”

As carreiras populares que integran o circuito están suxeitas aos criterios mínimos obrigados que se establecen oficialmente para a organización de carreiras en ruta, aprobadas pola Xunta Directiva da Federación Galega de Atletismo e publicadas na circular número 68/2008.

As carreiras populares que formen parte do “VII Circuito Provincial de Carreiras Populares Deputación Provincial da Coruña”, deberán cumprir os seguintes requisitos de seguridade:

* Cumprimento das actuais normativas de Seguridade viaria do Estado e da Comunidade Autónoma de Galicia que estipulan os requisitos que as autoridades esixen para a autorización da celebración de probas deportivas na vía urbana, recollidos no Real decreto 1428/2003, do 21 de novembro, publicado no BOE nº 306, do 23 de decembro de 2003, sobre a ocupación da vía pública.

* Contratación dun seguro de responsabilidade civil do organizador, e un seguro de accidentes deportivos para os participantes das diversas carreiras populares que formen parte do circuito, de acordo co establecido no Real decreto 849/1993, do 4 de xuño de 2003, sobre a contratación do seguro de responsabilidade civil e de accidentes, incluído o seguro obrigatorio deportivo).

* A Federación Galega de Atletismo porá a disposición do organizador de cada carreira popular pertencente ao circuito o seu seguro de Responsabilidade Civil e facilitará un seguro de accidentes para participantes non federados (os participantes federados xa teñen o seu seguro federativo) a un custo moi reducido.

- * Peche ao tráfico do circuito.
- * Vehículos de apoio.
- * Sinalización do itinerario.
- * Vehículo de apertura e peche.
- * Servizos sanitarios: médico e ambulancia.
- * Persoal auxiliar.

Asemade, as entidades organizadoras deberán axustarse estritamente, nos seus regulamentos ás categorías sinaladas no apartado 1.- participantes-. E, a os efectos de fazer a clasificación do circuito, enviar no prazo 5 días despois do remate da carreira os resultados de todas as carreiras en formato excel a seguinte dirección de correo electrónico: competicion@atletismo.gal. Ditos resultados terán que ter os seguintes datos: nome, apelidos, data de nacemento, categoría, club e número de licenza.

Este incumprimento será motivo de exclusión da carreira do circuito provincial de carreiras populares.

No caso de coincidir en data de celebración, dúas o mais carreiras do “VII circuito Provincial de Carreiras Populares Deputación Provincial da Coruña”, unha/s de elas deberán cambiar a data nun prazo máximo de 48h dende o momento da notificación da coincidencia de datas de celebración das carreiras populares. De non existir acordo, terá prioridade a que teña maior puntuación na valoración.

A organización resérvase a potestade de cambiar os percorridos definidos, probas convocadas ou modificar o regulamento, circunstancias que serán comunicadas aos participantes co tempo suficiente.

A organización de cada proba, así coma os premios e agasallos que cada organizador considere axeitado contemplar na súa proba, son independentes da organización deste circuito, e serán proporcionados polos concellos ou entidades organizadoras.

Ningún/ha atleta federado/a poderá competir con outro club que non sexa o que figure na súa licenza correspondente. No caso de que se producise esta situación, o/a atleta será desqualificado/a automaticamente. Por outra banda, os/as atletas que sexan sancionados por dopaxe, tampouco poderán optar aos premios en metálico nin a clasificacións en ningunha das probas que compoñen o circuíto, nin á clasificación final do circuíto. Do mesmo modo, ningún/ha atleta que se inscriba como integrante dun club, poderá formar parte doutro club durante o desenvolvemento de ningunha das probas que integran o circuíto.

A participación no “VII Circuíto Provincial de Carreiras Populares Deputación Provincial da Coruña”, non supón ningún dereito nin privilexio respecto ás normas e regulamentos esixidos na convocatoria de cada unha das probas, polo que cada corredor/a terá que aceptar as bases que regulen as competicións de cada unha das probas que o integran.

As descalificacións de atletas nunha carreira levará aparellada a perda de todos aqueles puntos e premios obtidos polo/a atleta infractor/a na proba de que se trate, e non serán tidas en conta para os efectos de puntuación do seu equipo.

Consideraranse as seguintes condutas antirreglamentarias do/a atleta:

- Non levar o dorsal perfectamente colocado en toda a súa extensión (no peito durante todo o percorrido) ata a súa entrada na meta.
- Participar cun dorsal que corresponde a outro corredor.
- Non pasar polos controis de carreira establecidos.
- Non realizar o percorrido de carreira completo.
- Non atender as indicacións dos membros da organización ou xuíces/zas.
- Entrar fóra da hora prevista pola organización como tempo máximo de duración da proba.
- Pretender participar na carreira popular sen terse inscrito previamente.
- Aquela conduta que sexa estimada como antideportiva, sempre que non sexa motivo de expulsión do circuíto.
- Calquera outras de análoga natureza, que a xuízo da organización da carreira poida ser considerada como conduta antideportiva merecedora de sanción disciplinaria.
- Ser reincidente nalgunha infracción de descalificación de carreira.
- Realizar a inscrición alterando os datos de forma maliciosa.
- Manter unha actitude groseira, violenta, ou que en xeral atente en contra do espírito deportivo.
- Calquera outras de análoga natureza, que a xuízo do Comité poidan ser consideradas como conduta antideportiva merecedora de sanción disciplinaria.

Nas respectivas carreiras o persoal organizador terá a potestade de esixir o DNI tanto na entrega de dorsais, como na entrega de premios. Ante a ausencia de documentación ou dúbida sobre ela, será a organización de cada carreira quen resolva a incidencia, autorizando ou denegando tanto a participación do/a atleta como a entrega do premio.

O **Comité Organizador** estará integrado por:

Presidente/a: Persoa designada pola Deputación Provincial da Coruña.

Vicepresidente/a: Presidente da FGA ou persoa na que delegue.

Vogais:

Un/ha representante da organización de cada unha das probas do circuíto.

Un/ha representante das delegacións da FGA en Ferrol, Santiago de Compostela e A Coruña.

Un/ha representante dos concellos no que se desenvolverán as probas que compoñen o circuíto.

A súa función principal será resolver aspectos organizativos para garantir o bo desenvolvemento de cada unha das probas.

O **Comité de Competición** estará integrado por:

Presidente/a: Representante da Deputación Provincial da Coruña.

Vicepresidente/a: Delegado da FGA en Santiago ou Ferrol.

Vogais:

Directora Técnica da FGA

Delegado en Coruña, Ferrol ou Santiago de Compostela do Comité Galego de Xuíces

Tres representantes da organización de todo o circuíto de carreiras.

Este comité reunirse só en caso de necesidade e a súa función fundamental será resolver cuestións técnicas que se produzan nas distintas probas e que poidan afectar ao circuíto (anomalías na participación, clasificacións, etc..)

O Comité de Competición do “VII Circuíto Provincial de Carreiras Populares Deputación Provincial da Coruña”, actuará logo de denuncia presentada por escrito nos 3 días seguintes á carreira na que se cometeu a infracción.

Examinada a denuncia polo Comité, trasladarase a dita denuncia á persoa interesada para que, nos 5 días seguintes, realice as alegacións oportunas.

Transcorrido o prazo, con ou sen presentación de alegacións, o Comité resolverá o que proceda; sendo a súa decisión única e inapelable.

O Comité resérvase o dereito de actuar de oficio cando concorran causas excepcionais que así o aconsellen.

4.- PREMIOS.

En cada unha das carreiras que integran o circuíto haberá premios individuais para os/as tres primeiros/as clasificados/as en cada carreira, segundo a súa categoría, ou outros posibles premios que serán determinados e achegados pola organización de cada carreira. Estes premios e agasallos que cada organizador considere axeitado contemplar na súa proba, son independentes dos da organización deste circuíto, e serán proporcionados polos concellos ou entidades organizadoras.

Os premios do “VII Circuíto Provincial de Carreiras Populares Deputación Provincial da Coruña” outorgaranse ás clasificacións individuais e por clubs, tras o cómputo de todas as probas que compoñen o circuíto, de acordo co seguinte:

Clasificación individual: Haberá dúas categorías:

1.- *Categoría Absoluta:* Outorgaranse premios en metálico e trofeo aos/ás tres primeiros/as gañadores/as da categoría absoluta para homes e para a categoría absoluta para mulleres.

2.- *Categoría Menores e Máster:* Outorgaranse trofeos aos/ás tres primeiros/as gañadores/as das categorías de menores e de veteranos/as.

Para poder optar aos premios da Clasificación Xeral Individual (só na categoría absoluta), no “VII Circuíto Provincial de Carreiras Populares Deputación Provincial da Coruña”, os/as atletas deberán ter participado como mínimo en 12 das 30 carreiras.

Esta clasificación estará determinada pola posición acadada en cada carreira.

Puntuarán en cada carreira os/as 10 primeiros/as, outorgando 10 puntos ao/á primeiro/a; 9 puntos ao/á segundo/a..... e así sucesivamente ata o/a décimo/a que terá 1 punto.

Ao final do “VII Circuíto Provincial de Carreiras Populares Deputación Provincial da Coruña”, sumarase a puntuación de cada participante nas diversas carreiras para establecer a clasificación xeral.

Clasificación por clubs: Haberá dúas categorías:

1.- *Categoría por club de Menores*: cómputo total de participantes de cada club ou colexio nas categorías Sub10, Sub12, Sub14, Sub16 e Sub18 nas diferentes carreiras que compoñen o circuíto.

Outorgaranse trofeos aos/ás tres primeiros/as gañadores/as das categorías de menores.

2.- *Categoría por club Absoluta*: cómputo total de participantes de cada club no resto de categorías (que non sexan as categorías para menores) nas diferentes carreiras que compoñen o circuíto.

Outorgaranse premios en metálico e trofeo aos/ás tres primeiros/as gañadores/as da categoría absoluta para homes e para a categoría absoluta para mulleres.

Na Categoría de Clubs valorarase o número de participantes de cada club nas diferentes carreiras independentemente do posto dos seus/súas compoñentes en cada unha delas.

Sistema de clasificación por clubs		
Por número de participantes en cada carreira. Outorgarase 1 punto por cada atleta do club ou colexio que finalice a proba		Pola clasificación xerada en cada carreira. Consideraranse os/as 50 primeiros/as clasificados/as en cada categoría e proba.
Sub10	1 punto	1: 50 puntos
Sub12	1 punto	2: 49 puntos
Sub14	1 punto	3: 48 puntos
Sub16	1 punto	4: 47 puntos
Sub18	1 punto	5: 46 puntos
Sub20	1 punto	6:45 puntos
Sub23	1 punto	7: 44 puntos
Senior	1 punto	(.../...)
Máster 1	1 punto	47: 4 puntos
Máster 2	1 punto	48: 3 puntos
Máster 3	1 punto	49: 2 puntos
Máster 4	1 punto	50: 1 punto

Sumaranse o número total de puntos obtidos en todas as probas do circuíto e establecerase a clasificación xeral dos clubs, proclamándose vencedor do “VII Circuíto Provincial de Carreiras Populares Deputación Provincial da Coruña” o club que máis puntos obteña, e así sucesivamente.

Para a clasificación por clubs será necesario que o equipo participe nun mínimo de **doce** das trinta probas que compoñen o circuíto tanto na Categoría de Menores (Sub10, Sub12, Sub14, Sub16, Sub18 (* a día da primeira xornada) coma na Categoría Absoluta (resto das categorías, maiores de 18 anos (* a día da primeira xornada).

Se nas diversas Clasificacións do “VII Circuíto Provincial de Carreiras Populares Deputación Provincial da Coruña”, dous/dúas ou máis atletas ou clubs estiveran empatados a puntos, a orde de clasificación entre eles/as determinarase polo maior número de primeiros postos comparados entre ambos nas diferentes carreiras disputadas, proclamándose vencedor/a aquel que obtivera mellores postos.

As diversas clasificacións en cada unha das probas poderanse consultar nas seguintes páxinas web: www.atletismo.gal e www.carreirasgalegas.com ou ben na páxina oficial da Deputación Provincial da Coruña www.dicoruna.es.

Importe dos premios. (a aboar pola Deputación).

A Deputación destina un total de 7.950 € para o pago de premios ás persoas participantes no “VII Circuito Provincial de Carreiras Populares Deputación Provincial da Coruña”, de acordo co seguinte:

- 3.600 € para premios aos clasificados/as individuais da categoría absoluta (homes e mulleres).
- 3.600 € para premios aos clasificados/as por clubs da categoría absoluta (homes e mulleres)
- 750 € para premios aos clasificados/as por clubs da categoría de menores

PREMIOS A CLASIFICIACIÓNS INDIVIDUAIS	
Categoría absoluta homes	Categoría absoluta mulleres
• 1º: 800 € e trofeo	• 1ª: 800 € e trofeo
• 2º: 600 € e trofeo	• 2ª: 600 € e trofeo
• 3º: 400 € e trofeo	• 3ª: 400 € e trofeo
Categorías menores e máster homes	Clasificación por categorías menores e máster mulleres
Trofeo a 1º, 2º e 3º sub10, sub12, sub14, sub16; sub18; máster1, máster 2; máster 3; e máster 4	Trofeo ao 1º, 2º e 3º sub10, sub12, sub14, sub16; sub18; máster1, máster 2; máster 3; e máster 4
PREMIOS POR CLUBS	
Categoría absoluta homes	Categoría absoluta mulleres
• 1º: 800 € e trofeo	• 1ª: 800 € e trofeo
• 2º: 600 € e trofeo	• 2ª: 600 € e trofeo
• 3º: 400 € e trofeo	• 3ª: 400 € e trofeo
Menores homes (sub10, sub12, sub14, sub16, sub18)	Menores mulleres (sub10,sub12, sub14, sub16, sub18)
• 1º: 150 € e trofeo	• 1ª: 150 € e trofeo
• 2º: 125 € e trofeo	• 2ª: 125 € e trofeo
• 3º: 100 € e trofeo	• 3ª: 100 € e trofeo

5. PAGOS

A Deputación aboará os premios mencionados na base anterior directamente ás persoas ou aos clubs participantes, en función da clasificación obtida.

Coa finalidade de percibir os premios, que se aboarán mediante transferencia bancaria, as persoas ou os clubs participantes deberán entregar, á entidade que resulte adxudicataria do contrato de coordinación das carreiras que integran o “VII Circuito Provincial de Carreiras Populares Deputación Provincial da Coruña”, a seguinte documentación:

* Designación da conta bancaria na que se efectuarán os aboamentos, conforme ao modelo normalizado que figura na páxina web www.dicoruna.es.

* Autorización para que a Deputación poida obter as certificacións da Axencia Estatal da Administración Tributaria, da Tesourería da Seguridade Social e da Deputación Provincial da Coruña, nas que se acredite que está ao corrente nas súas obrigas.

* Fotocopia cotexada do NIF do club/persoa participante.

A Deputación poderá fixar un día para a celebración da entrega de premios e clausura do circuíto no que se entregarán os trofeos dos premiados individuais e por equipos do “VII Circuíto Provincial de Carreiras Populares Deputación Provincial da Coruña”, na sede oficial deste organismo.

6.- ACHEGA PROVINCIAL ÁS ENTIDADES ORGANIZADORES

A Deputación Provincial da Coruña asigna un importe máximo de 600€/carreira, a cada unha das entidades organizadoras das carreiras, como compensación polos gastos que obrigatoriamente ten que contratar coa Federación Galega de Atletismo para a participación no evento.

Estes gastos correspóndense cos seguintes conceptos:

Canon da carreira.

Gastos de xuíces/zas á carreira (desprazamentos, axudas de custo, e honorarios)

Tramitación de licenza de día (seguros) realizados polos inscritos só para a participación no evento;

Esta asignación será descontada da liquidación dos gastos que a Federación Galega de Atletismo realice ás entidades organizadoras das carreiras populares

7.- DIFUSIÓN PUBLICITARIA.

A Federación Galega de Atletismo comprométese a apoiar e publicitar cada unha das carreiras populares que formen parte do “VII Circuíto Provincial de Carreiras Populares Deputación Provincial da Coruña”, a través da WEB www.atletismo.gal e www.carreirasgalegas.com.

En cada unha das carreiras populares que formen parte do “VII Circuíto Provincial de Carreiras Populares Deputación Provincial da Coruña”, deberá tamén facer constar na súa carteleira o logo específico alusivo al “VII Circuíto Provincial de Carreiras Populares Deputación Provincial da Coruña”. Tamén deberá constar no acto de entrega dos trofeos de cada unha das carreiras que están incluídas no circuíto.